



12 Julai 2013  
12 July 2013  
P.U. (A) 225

WARTA KERAJAAN PERSEKUTUAN

*FEDERAL GOVERNMENT  
GAZETTE*

PERATURAN-PERATURAN PETUNJUK GEOGRAFI  
(PINDAAN) 2013

*GEOGRAPHICAL INDICATIONS (AMENDMENT)  
REGULATIONS 2013*



DISIARKAN OLEH/  
PUBLISHED BY  
JABATAN PEGUAM NEGARA/  
ATTORNEY GENERAL'S CHAMBERS

AKTA PETUNJUK GEOGRAFI 2000

PERATURAN-PERATURAN PETUNJUK GEOGRAFI (PINDAAN) 2013

PADA menjalankan kuasa yang diberikan oleh seksyen 32 Akta Petunjuk Geografi 2000 [Akta 602], Menteri membuat peraturan-peraturan yang berikut:

**Nama dan permulaan kuat kuasa**

1. (1) Peraturan-peraturan ini bolehlah dinamakan **Peraturan-Peraturan Petunjuk Geografi (Pindaan) 2013**.

(2) Peraturan-Peraturan ini mula berkuat kuasa pada 15 Julai 2013.

**Pindaan peraturan 2**

2. Peraturan-Peraturan Petunjuk Geografi 2001 [P.U. (A) 247/2001], yang disebut "Peraturan-Peraturan ibu" dalam Peraturan-Peraturan ini, dipinda dalam peraturan 2 dengan memasukkan sebelum takrif "Pejabat" takrif yang berikut:

"kesalahan boleh daftar" mempunyai erti yang sama diberikan kepadanya dalam Akta Pendaftaran Penjenayah dan Orang yang Tidak Diingini 1969 [Akta 7];".

**Pindaan peraturan 14**

3. Peraturan-Peraturan ibu dipinda dalam peraturan 14 dengan memasukkan selepas subperaturan (3) subperaturan yang berikut:

"(4) Pendaftar boleh enggan mengiktiraf mana-mana orang sebagai ejen yang tidak pada masa ini terdapat dalam Daftar Ejen Petunjuk Geografi yang disenggarakan di bawah peraturan 14A."

**Peraturan baru 14A, 14B, 14C dan 14D**

4. Peraturan-Peraturan ibu dipinda dengan memasukkan selepas peraturan 14 peraturan yang berikut:

**“Pendaftaran ejen**

14A. (1) Permohonan untuk didaftarkan sebagai ejen petunjuk geografi hendaklah dibuat kepada Pendaftar dalam Borang PG 15 berserta dengan bayaran fi yang ditetapkan.

(2) Bagi maksud pendaftaran sebagai ejen petunjuk geografi di bawah peraturan ini, pemohon hendaklah memuaskan hati Pendaftar bahawa dia adalah sama ada berdomisil atau bermastautin di Malaysia atau mempunyai tempat perniagaan utama di Malaysia, dan—

- (a) terdapat dalam Daftar Ejen Paten yang disenggarakan menurut peraturan-peraturan yang dibuat di bawah Akta Paten 1983 [*Akta 291*];
- (b) terdapat dalam Daftar Ejen Cap Dagangan yang disenggarakan menurut peraturan-peraturan yang dibuat di bawah Akta Cap Dagangan 1996 [*Akta 175*];
- (c) seorang peguam bela dan peguam cara yang beramal di Malaysia;
- (d) memegang ijazah yang diiktiraf dalam apa-apa bidang pengajian dan mempunyai pengetahuan atau pengalaman yang diperlukan dalam bidang harta industri; atau
- (e) mempunyai sekurang-kurangnya tiga tahun pengalaman dalam bidang harta industri oleh sebab dia ialah seorang bekas pegawai Pejabat itu.

(3) Pendaftar hendaklah, apabila berpuas hati bahawa pemohon memenuhi syarat di bawah subperaturan (2), mendaftarkan pemohon itu selama tempoh yang tamat tiap-tiap tahun pada 31 Disember tahun itu.

(4) Pendaftar tidak boleh mendaftarkan mana-mana orang yang telah disabitkan atas apa-apa kesalahan boleh daftar atau apa-apa kesalahan jenayah yang melibatkan fraud atau ketidakjujuran.

### **Pemecatan ejen**

14B. Seseorang ejen hendaklah dikeluarkan daripada Daftar Ejen Petunjuk Geografi jika dia—

- (a) tidak lagi berdomisil atau bermastautin di Malaysia atau tidak lagi mempunyai tempat perniagaan utama di Malaysia;
- (b) disabitkan atas suatu kesalahan boleh daftar atau apa-apa kesalahan jenayah yang melibatkan fraud atau ketidakjujuran;
- (c) seorang bankrap yang belum dilepaskan; atau
- (d) telah dipotong daripada, dan tidak dimasukkan semula ke dalam, atau digantung pada masa ini daripada Daftar Ejen Paten, Daftar Ejen Cap Dagangan atau Daftarai Peguam Bela dan Peguam Cara.

### **Pembaharuan ejen**

14C. (1) Permohonan bagi pembaharuan pendaftaran sebagai ejen petunjuk geografi hendaklah dibuat kepada Pendaftar dalam Borang PG 16 berserta dengan bayaran fi yang ditetapkan selewat-lewatnya pada 31 Januari tiap-tiap tahun.

(2) Pendaftar hendaklah, apabila berpuas hati bahawa syarat yang dinyatakan dalam subperaturan 14A(2) dan (4) terus dipenuhi, membaharui pendaftaran ejen petunjuk geografi itu selama tempoh yang tamat tiap-tiap tahun pada 31 Disember tahun itu.

### **Daftar Ejen Petunjuk Geografi**

14D. Pendaftar hendaklah menyenggarakan Daftar Ejen Petunjuk Geografi.”.

**Pindaan peraturan 29**

5. Peraturan 29 Peraturan-Peraturan ibu dipinda dengan menggantikan subperaturan (1) dengan subperaturan yang berikut:

“(1) Dengan seberapa segera yang boleh selepas habisnya tempoh dua bulan dari tarikh penyiaran permohonan di bawah subperaturan 16(2) dan setelah pembayaran fi pendaftaran dibuat di bawah peraturan 28, Pendaftar hendaklah mendaftarkan petunjuk geografi dan mencatatkan petunjuk geografi itu dalam Daftar mengikut seksyen 19 Akta dan Peraturan-Peraturan ini.”.

**Peraturan baru 29A, 29B, 29C, 29D, 29E, 29F dan 29G**

6. Peraturan-Peraturan ibu dipinda dengan memasukkan selepas peraturan 29 peraturan yang berikut:

**“Pembaharuan pendaftaran petunjuk geografi**

29A. (1) Permohonan bagi pembaharuan pendaftaran petunjuk geografi hendaklah dibuat oleh tuan punya berdaftar atau ejennya dalam Borang PG 17 berserta dengan bayaran fi yang ditetapkan dalam tempoh tidak kurang dari tiga bulan sebelum habisnya tempoh pendaftaran terakhir petunjuk geografi itu.

(2) Jika orang yang memfailkan Borang PG 17 adalah selain tuan punya berdaftar atau ejen yang diberi kuasanya, orang itu hendaklah mencatatkan dalam borang itu nama dan alamatnya dan hendaklah melampirkan surat kuasa daripada tuan punya berdaftar yang memberinya kuasa untuk membaharui pendaftaran petunjuk geografi.

**Peringatan pembaharuan pendaftaran petunjuk geografi**

29B. (1) Jika pada tarikh tidak kurang dari satu bulan dan tidak lebih dari dua bulan sebelum habisnya tempoh pendaftaran terakhir petunjuk geografi, Borang PG 17 berserta dengan bayaran fi yang ditetapkan belum diterima, Pendaftar hendaklah memberitahu tuan punya berdaftar secara bertulis mengenai tempoh pendaftaran terakhir petunjuk geografi yang akan habis.